

L'apoteca Pütia a Picolin é stluta dai 5 ai 11 de messé.

Le **dotur Aldo Marcocci** é demez dai 6 ai 10 de messé y vëgn sostitui dala doturia Mahlknecht (0474 523 018 – 349 06 67 034). Ara sará tl ambulatore dl dotur Marcocci a Al Plan en dedemesaledema ai 8 de messé dales 15.00 ales 17.00.

Racoiüda dl refodam da tosser en lönesc ai 6 de messé dan le magazinn di stödafüch a San Martin dales 9.00 - 10.00 y a Lungiarü dales 10.30 - 11.30

SAN MARTIN Y LUNGIARÜ

En lönesc, ai 29 de jügn, éi dales 7.30 la **prozesciun da San Linert söla Crusc**, dales 9.30 mësä y dedö ores d'adoraziun: 10-11 Badia; 11-12 Corvara/Calfosch; 12-13 La Val; 13-14 San Ciascian; 14-15 La Ila; 15.00 contlujun y benedisciun.

I preüi ch'an ti dijes ales "Badanti" che ciara de porsones atempades o amarades, **canch'i röi adalerch a proveder**, ch'ares le sais y pois arjigné ca la porsona assistida. *Le Ploan*

La Uniun dles Eres Catoliches inviëia düc i geniturs che á n pice möt da batié, pers che aspeta, toc y totes ala **preparaziun dl Bato**, en sabeda ai 18 de messé dales 15.00 ales 17.00, tl salf dles uniuns a Calfosch. Prenotaziuns 0471 849 372.

SAN MARTIN

I Jogn da San Martin mët a jí na **griliada jö dal Lech de Vistles** en vëndres, ai 3 de messé dales 19.30. Le cost é de 15 euro; chi che á porté o fat n sorvisc dales festes d'aisciöda pó tó pert debann.

Sciöche bele tl'ultima plata vëgnel ciamó n iade bel perié de mäte tla gran bëna **bëna por la cortina** ma material biologich dles fosses, nia peres, fassli, spidli, plastica, tasces y d'ater patüc y tla bëna dales ciandëres ma ciandëres.

Dan da n valgügn mëisc á ince Emma Sorá Schuen ciafè dala Curia l'inciaria da **partí fora la Comuniun** te nosta ploania (por 5 agn). Präibel y dilan. *Le Ploan*

La Ciasa de Palsa "Ojöp Frëinademetz" forma na gradatöra por titui por chësta inciaria a tēmp determiné: - Ergoterapist/a (7^a ter cualifica funziunala).

Condiziuns d'azes:

- diplom de maturité y diplom de stüdi universitars spezifichs de almanco 3 agn o diplom spezifich dé fora dan l'entrada en forza dl D.M. 136/1997;
- zertificat de trilinguism B;

Al pó tó pert aspiranc/antes dl grup linguistich ladin. La gradatöra ará la dorada de 1 ann. I/lesaspiranc/antes mës detlaré tla domanda de ester disponibli/es por inciaries a tēmp determiné (de durada cörta) y tēmp parzial.

Les domandes sön cherta scēmpla cun i documēnc, mës gní dades jö te scretariat dla Ciasa de Palsa. Informaziuns plü menüdes ciafon te scretariat 0474 524 700.

Döt le bun a chi che complësc i agn de messé

a San Martin:

- Pire Ploner che nen complësc 88 al 1
- Pire Vanzi che nen complësc 83 ai 3
- Angelina Vanzi Baldissera che nen complësc 86 ai 4
- Giovanni Unterweger che nen complësc 83 ai 26
- Oliwa Pedevilla che nen complësc 84 ai 29
- Pire Unterweger che nen complësc 80 ai 31

a Lungiarü:

- sr. Sofia Clara che nen complësc 80 ai 3



internet: www.valbadiaonline.com

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

28.06.- 05.07.2015 nr. 31

termo da publiché: jöbia 20.00

radio: 90,40 / 93,70



13^a DOMÈNIA IA POR L'ANN B

Vangele: Merch 5,21-43

Danter ite êl na ëra, a chëra ch'al ti jô sanch bele da dodesc agn incà.

Ara ê gnüda mediada da n gröm de medi y â dër da patì por chësc;

döt so avëi âra dè ia, mo al n'â jovè nia, ara ê ciamò gnüda piec.

Pornanch'ara â aldì de Gejù s'âra fat inant tla meja

iadô pormez y à aziché so guant. Deach'ara se dijô:

Ince sc'i azichi mâ so guant, gnarài varida.

Atira âra lascè da sangonè,

y ara sintì d'ester gnüda delibrada da súa soferënza....

Al ê mort la fia de Iaírus, dl surastant dla sinagoga.


Gejú ti â dit a Iaírus : No avëi tēma; crëi madër!

Al ê jü ite tla ciasa olache la möta ê ponüda.

Al à pié la möta por la man y ti à dit:

Talita cum!, che ô di: Möta, i te diji, lê sö!

Atira é la möta lovada sö y jô incërch. Ara â dodesc agn.



Da chësc vangele podunse imparé, ch'al ne basta nia ma da savëi de Gejù, da l'incuntè datrai, da le perié cört do val'.

Sides la ëra, che sangonâ da dodesc agn y che â porve dles dötes da varí,

sides Iaírus, che ê dessigü jü da n gröm de medi por súa fia,

â aldì de Gejù, canch'ai â oramai dé sö vigni speranza, y dötes les medejines y les cures n'â jovè nia. Öna y l'ater va cun gran fede da Gejù y ti porta dant döt so dolor y ai po sintí varijun y ressourceziun.

„N'ede degöna tēma, cherdede madër!“ Chësc é l'invit de Gejù danter le sciosciüre, le sotissura y les soferënzes de chël tēmp.

Chësc invit de Gejù stentunse dötaurela da aldì y insciö ince da ciafé súa parora che varësc y ressuscitëia.

Te súa enciclica „Laudato si“ nes inviëia le Papa da mantigní y ciaré dla creaziun sciöche scincunda de Dî. Vignun á n gröm de poscibilitës.

	SAN MARTIN		LUNGIARÜ
28.06.15 13^a Domënia ia por l'ann B	9.00 Corona 9.30 Gran Mëssa por la comunité cun benedisciun dl tëmp	28.06.15 Domënia	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ujöp Freindemetz
29.06.15 Lönesc <i>San Pire y San Paul, apostui</i>		29.06.15 Lönesc	
30.06.15 Dedolönesc <i>Pröms Martiri da Roma</i>	19.30 Mëssa familia Ivan Sorá + Vijo Clara + Elisa Flöss (morta a Somaga)	30.06.15 Mertesc	
01.07.15 Dedemesaledema <i>Theoderich, Dietrich</i>	7.30 Mëssa a d'intenziun	01.07.15 Mercui	7.30 Mëssa en onú de Sant Antone y Sant Ujöp Freinademetz + siur Heinrich Videsott + Pire Mischi aniv. Rita Pezzei y Franz Pezzei, Valacia
02.07.15 Jöbia <i>Vijita de Santa Maria a Elisabeta</i>	7.00 Confesciuns 7.30 Mëssa en onú de Santa Maria + + Sepl y Dorotea Gasser + Paul Vantsch Corona por vocaziuns Comuniun ai amará (danmisdé)	02.07.15 Jöbia	
03.07.15 Vëndres <i>Tomesch, apostul</i> Pröm vëndres	8.00 Mëssa a Picolin a d'intenziun 19.00 Adoraziun chîta 19.30 Devoziun eucaristica	03.07.15 Vëndres	7.00 Confesciuns 7.30 Mëssa + + Rudi y Monica Moling + Daniele Pezzei + + fredesc da Somví Comuniun ai amará
04.07.15 Sabeda <i>Elisabeta de Portugal, Durich</i>	15.30 Mëssa tla Ciasa de Palsa 18.30 Mëssa prefestia families dl Cir + Paul Graffonara (aniv) aniv. Roberto Mascitti	04.07.15 Sabeda	20.00 Mëssa prefestia aniv. Tio Clara dl Longher + + Giovanni y Herta Clara + Ivo Sorá + Costantino Mischi
05.07.15 14^a Domënia ia por l'ann	9.00 Corona 9.30 Gran Mëssa por la comunité cun benedisciun dl tëmp	05.07.15 Domënia	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ujöp Freindemetz